

St. Dr.

75971

I

Fredro J. M. ^{Grotius} Declamatio

1872. III. 58.

provisum by kart f

4221

D

~~2384~~ Bravo.

5

GRATVLATIO
 ILL^{mo} AC R^{mo} DOMINO,
 DOMINO STANISLAO
 SIECINSKI,

Dei Gratia, Episcopo Præmislien:
 recens consecrato:

A

JACOBO MAXIMILIANO FREDRO,
*in alma Academia Cracouiensi Studioſo
 dicta.*



CRACOVIAE,
 In Officina Basilii Skalski, Anno Domini
 1609.

✠

In Stemma domûs Siecinianæ.



Quid sibi bina velint hæc cornua scire peroptas?
 Magnanimos distant Marte togâq; viros.
 Cornibus utq; fera feriunt: sic ore, manuque
 SIECINIA, avertit Patria damna, domus.
 Iure igitur Presul tam claro STEMMATE gaudes:
 Ut serias, fidei Cornibus omne nefas.

Gratulatio.



POST QVAM SINGVLARI DEI OPTIMI
Maximi beneficio & voluntate, Serenissimiq; ac
potentissimi Regis fauore ac beneuolentia in
Episcopum Premissiensem renuntiatus es, Anti-
stes Illustrissime, incredibilis ad omnes omnium
ordinum in Polonia homines, cum magno totius
Reipublicę applausu, lætitia peruenit. Etenim aspicere licebat
Senatorum amœnas facies, intueri nobilium amabiles vultus,
cernere plebis plenos alacritate animos, omnium deniq; homi-
num cuiuscunq; conditionis ac sortis effusam voluptatem, & atto-
nitam mentium admirationem videre erat: vt in omnium ore,
oculis, frontibus, publicę hilaritatis vestigia manerent, omnesq;
quasi Diuino mentis afflatu permoti dignitati tuę applauderent.
Nec immerito: omnibus enim est perspectum atque cognitum
longo tempore in hac florētissima Republica, in arduis & ma-
ximis negotiis obeundia, in grauissimis causis summo cum labo-
re & diligentia pertractandis, virtutem tuam esse versatam; ac ideo
tibi hunc honorem, tanquam debitum præmium virtutis, summa
eum acclamatione gratulantur. Verum enimvero si ornamentis
imaginibusq; clarissimę Familię tuę, solaq; nobilitate à maiori-
bus tibi relicta contentus esse voluisses, neque animo ad altiora
aggredienda, virtutisq; iter arduum calcandum excitatori fuisses;
profectò in obscuro latuisses, otiumq; te in aliquem angulum
abdidisset. Nec mirum, nemo enim adhuc factus est clarior egre-
gia facta maiorum suorum memorando, sed ea agendo & aggre-
diendo, quibus maiorem lucem ac splendorem præclarè gestis ma-
iorum suorum afferre, famamq; ac splendorem nomini suo
sempiternam possit acquirere. Sed cum ad altiora natus fuisses,
noluisti more ignauorum intra natalium modum senescere, sed
magnorum virorum æmulatione accensa ibat in altum virtus tua,
ferebaturq; impetus animi tui ad quæuis præclara: ac ideo aula

GRATVLATIO.

quę vidit suspicienda in te plurima, consilium in animo, sapien-
 tiam in intellectu, pietatem in corde, magnanimitatem in pectore,
 industriam in agendo, celeritatem in conficiendo, & alia quàm plu-
 rima ornamenta, vidit inquam, nec est passa diutius absq; præmio
 morari virtutem tuam. Creatus itaque es Episcopus, quem tibi
 honorem omnes pleno ore, sereno vultu, summa cum voluptatis
 iucunditate gratulantur. Sed tamen huius muneris maior pars
 ad nos propinquos tuos pertinet, ad quos maior vis lætitię, ma-
 ius solatium, maior expectatio patrocini tui peruenit. Lætabimur
 ergo & in astra feremus heroicās virtutes tuas, & omnem animi
 vim studiumque ad amplissima ornamenta tua prædicanda & illu-
 stranda conferemus. Liceat tantummodo mihi per elementiam
 insicam animo tuo singularem, progressum virtutum tuarum, per
 quas tanquam per aliquos gradus ad hoc culmen dignitatis euasi-
 sti, nuda & aperta oratione percurrendo explicare. Etenim si
 vniuersę vitę tuę curriculum perpendere animoque defixo confide-
 rare voluerimus, quid aliud vita tua fuit, nisi palęstra virtutum, ex-
 emplar honestatis, censura morum, laboris atque industrię specta-
 culum, sanctitatis asyllum: omnis denique laudis & glorię thea-
 trum. Etenim eo loco natus es, in quo exemplis domesticis ad
 omnem gloriam & militarem & togatam quærendam abundare
 potuisti, ac propterea non erat difficile spem de te habere magnam
 omnium honorum & dignitatum in Repub. adipiscendorum. Na-
 tura enim te finxit ad omnia ardua hominem magnum & excel-
 sum, qua indolē subnixus non poterās, nisi in summo consistere.
 Etenim ab ineunte ætate ad o. amore studiorum exarseras, vt ni-
 hil tibi cordi esset, nisi vt intellectum (qui teste Aristotele, est ve-
 luti rasa tabula, in qua nihil est depictum) variis artibus depingeres,
 omnibusque virtutum copiis instrueres, nihil prætermittens, quod
 ad illius egregiam speciem pertinere videretur. Nec aliter ac ille
 Plato, qui licet omnium mortalium sapientissimus haberetur,
 amore tamen studiorum incensus Aegyptum peragrauit. Nili-
 que

GRATVLATIO.

que fluminis in explicabiles ripas, vastissimos campos, effusamque barbariem Aegyptiorum senum discipulus lustrabat. Vti & ille Pythagoras, & Democritus, qui relictâ penû artium Græcia, non ad cultos solum; sed & ad barbaros peregrinati sunt acri quodam cupidine discendi accensi. Sic tu exemplo eorum ductus omnia loca lustrabas, sedulam acquisitionem inquisitionem rerum faciebas, multas peregrinationes studiorum causa suscipiebas, præceptores non quosuis, sed doctissimos quosque, quibus te instituendum committeres eligebas: ex quibus tanquam ex sacris pectoribus hianti ore abditas doctrinæ fontes hausisti. Iam & libri, & historiæ peculiares tibi non deerant, quas indagabas, & homines æuo & vlu prouecti, à quibus percunctando discebas. Quapropter tam felici cursu omnes artium liberarium disciplinas & sapientiæ gradus emensus es, tamque celeriter immentum literarum campum decurristi, vt facile omnibus palmam præriperes. Tanta enim in te ingenij facilitas fuit, quanta non excogitandis solum rebus; sed etiam illustrandis efficax est, qua facile tibi viam ad omnes honores dexteritate tua fretus aperire potuisti. Iam zelum religionis pietatisque, qui est veluti fundamentum virtutum studiorumque, quid commemorem? Sæpius enim animus tuus commorans interris corporis inclusus compagibus euolabat ex ipso carcere, liberque se ad cælestia contemplanda erigebat, summum illud & perfectissimum Ens, eiusque attributa enixa mentis indagine ponderabat. His itaque vitæ & fundamentis iactis facile apparebat, quæ virtutis maturitas, & quantus fructus industriæ tuæ erat futurus, vnde non poterat tibi reliqua spes vitæ malè cedere. Tantum enim tibi præsidii à bonis artibus comparasti, quantum non solum ad suscipienda quæuis negotia: sed etiam ad ritè obeunda sufficeret. Digressus à scholis ad Regum palatia, statim te Crasicio Patruo tuo, viro nunquam satis pro dignitate laudato, cuius magnum semper nomen, magna auctoritas, magna in omni rerum genere gloria fuerat, coniunxisti: totumque tempus ad sta-

G R A T V L A T I O.

tuta, decreta, Ordines, socios, vitæque ciuilis & politicæ rationem cognoscendam contulisti. Imitatus hac in re grande fortunæ opus magnum illum Alexandrum, qui venientibus olim à Persarum Rege legatis, festiuè eos hospitaliterque Alexander suscipiens, nihil quidquam puerile percunctatus, sed totus in ea versus, quibus ingenia censeri maxima solent, quantæ Persarum copiæ, quo in loco Rex acie instructa dimicaret, & alia ad scientiam militarem pertinentia rogabat, vt peregrini obstupescerent dicerent. Puer hic Rex magnus! noster verò opulentus. Non aliter tu aulicam vitam ingressus, totum tempus ad percipienda instituta varia gentium, ad mores consuetudinesque maiorum explorandas, ad leges perdiscendas, ad negotiorum varietatem & multitudinem notandam contulisti, vt omnes ingenium tuum obstupescerent. Huius itaque ductu, qui magni semper non solum à magnis viris; sed etiam à Regibus habitus est, virtus tua feliciorum & meliorem cursum nata est. Ab eo enim quasi de manu Regi sapientissimo traditus, ita fidem integritatemque tuam probasti, vt grauissima quæque negotia tuæ fidei committeret, intimorumque consiliorum & arcanorum te faceret participem. Nec iniuria, quis enim maioribus vnquam pulchrioribusque rerum oportunitatibus fretus è castris Mineræ ad obsequia Regum prodiit? qui animi magnitudine, rerum intelligentia, moderatione, comitate, affabilitate; ita aulicorum moribus conuenienter viuebas, vt tamen vitia illa quæ dominantur in aulis exosa haberes. Non enim tu fraude cum versutis hominibus, sed veritate cum candidis; non simulatione cum adulatoribus, sed candore cum simplicibus: non luxuria cum profusis, sed continentia cum temperantibus: non fastu cum superbis, sed submissione cum demissis hominibus certasti. Et iam singulari Dei prouidentia in intimam principis amicitiam prouectus eras, iamque tua fama longè latèque increbuerat, iam doctores animi tui in lucem sese efferebant, cum tu non modò famę tuę responderes, sed multa supra expectationem faceres. Vidit, vidit hoc Rex sapientissimus: Vidit

G R A T V L A T I O

dit fidem tuam in sustinendis arduis negotiis, perspexit integritatem in pertractandis grauisimis causis: agnouit ingenium non solum literis; sed & bellicis, & vrbis (quæ solæ virtutes Regibus sunt amabiles) officiis idoneum: ac idè omnes tui ornandi occasiones quæritans, primo quoque tempore te magni Secretarii munere amplo & illustri adornauit. Quod quanta cum laude & gloria sustinueris, quàm castè, integrèque in eo es versatus, quis non videt? Cum enim præcipua virtus muneris Secretarii in gloria silentii consistat, nonnè in ea virtute mirè exercitatus fuisti? Nonnè arcana prudenter celare didicisti? Nonnè hoc effrène membrum adèò habens taciturnitatis frænasti, vt magnæ sapientiæ tempestiuum silentium esse, omniqûe sermone præstantius iudicares. Perceperas profectò illud Socratis viri, cum ingenio, tum omni doctrina excellentis, qui discipulos suos, vt tria in omni vita seruarent, admonerat: in vita prudentiam, in vultu verecundiam, in lingua silentium. Res enim graues difficillimè possunt sustineri, ab eo cui tacere graue est. Huius tu viri præcepta secutus, adèò has virtutes amplexus fueras, vt illas semper præ oculis habendo, ab eis ne latum vnguem discederes. Quibus tantam tibi gratiam Sacre Regiæ Maiestatis conciliaisti, vt intimos animi sui recessus tibi aperiret, seque totum quodammodò tibi recluderet: adèòque gratus illi eras, vt præ aliis multis Salinas tuæ fidei integritatiquè commiserit. Quod tu officium non aliter ac ille Theopompus, Thelearchiam, obscurum genus dignitatis integritate & constantia tuâ clarius reddidisti. Taceo reliqua Reipublicæ negotia tuæ fidei concessa, quæ tu adèò feliciter exequeris, vt omnes diligentiam admirarentur, prudentiam extollerent, iustitiam amplecterentur, candorem venerarentur, tuæque fidei nobiliores viri se, suæque negotia committerent. Nam quem vnquam virum maioribus virtutibus præditum vidimus, qui nullo alio præmio præposito, præter iudicium bonorum, tam magnos labores, tamque perplexa negotia susciperet, veluti tu, qui vnus ex omnibus re, non verbis docui-
ti;

GRATVLATIO.

sti: quid oportet à præstantissimis viris in Republica, & quid necesse esset fieri. O ciuem natum Reipublice memorem sui nominis, imitatoremq; Maiorum, qui exemplo bonorum & fortium virorum solius honestatis excellentia, vitam in negotiis & Reipub. obsequiis collocasti. Hic iam interrupta mea hærebit oratio: virtutes enim tuę, quę sparsim per vniuersam vitam tuam sunt diffusę, hoc in loco mihi occurrunt, quarum tanta est maiestas, vt ad illas enarrandas Ciceronis aut Demosthenis facundia opus esset. Nam quid ego dicam de prudentia tua singulari, ad cuius præscriptum & rationem omnes virtutes constituuntur: ad quam veluti ad lancem & trutinam omnia examinando, præterita recordabar, præsentia considerando disponebas, futura prævidebas. Et cum duobus modis habitum comparari ipsius expertus fuisses, altero vt mens disciplinis & cognitione sit munita: altero vt in negotiis multis versetur, quę partim ipsummet vnumquemque spectasse, partim verò & experientia percepisse est necessum. Nonne in eam rem sedulam curam adhibueras, vt variarum disciplinarum genere animum erudires? Nonne in vsu & experientia assiduo versabaris? Nonne tibi ius sermonis, non in via solum, non in hospitio, non domi, non foris; sed in omni loco & tempore fuerat? Sed intra hos fines tamen, querendi de moribus, legibus, principibus, bellis, casibus, & alijs rebus, certus ex illis prudentiam ciuilem tacita quadam vi comparari. Cuius beneficio id assecutus es, vt mala fugienda & bona prosequenda discernas: reru deniq; necessarium vsum & experientiam habeas, adeò vt qui tuo consilio aliquando sunt vsi, nunquam in vllum erroris scopulum impegerunt. Iam quę verba faciam de admirabili tua iustitia, quam non solum erga magnos viros; sed etiam erga infime sortis homines seruasti. Nam quis vnquam repertus fuerit, qui te alicuius iniurię accusaret? Quis inventus, qui se à te læsum & oppressum diceret? Quem tu vnquam non modò conuitio, sed verbo etiam aspero es consectatus? Cui aliquando ignominie notam inuulisti? quando iniuriam tuam atrociter

quid ne-
i nomi-
fortium
Reipub.
oratio:
unt dif-
s, vt ad
esset.
præscri-
am ve-
ecorda-
bas. Et
sses, al-
t in ne-
ue spe-
Nonné
narum
uo ver-
n hospi-
at? Sed
cipibus,
lem ta-
vt ma-
cessaria-
filio ali-
gerunt.
a solum
eruasti.
usaret?
tu vn-
status?
n tuam
rociter



Biblioteka Jagiellońska

stdr0012788



